

ইসমাইল রেহান

# ত্রিশিখে় ধূমব্যথাতা





# ইতিহাসের ধূসরখাতা

ইসমাইল রেহান

সংকলন ও অনুবাদ

ফাহাদ আবদুল্লাহ

কামান্তর প্রকাশনী



প্রকাশকাল : একুশে বইমেলা ২০২২

© : প্রকাশক

মূল্য : ট ৩৮০, US \$ 16. UK £ 12

প্রচ্ছদ : মুহারেব মুহাম্মদ

প্রকাশক

কালান্তর প্রকাশনী

বশির কমপ্লেক্স, ২য় তলা, বন্দরবাজার

সিলেট। ০১৭১১ ৯৮৪৮৮২১

ঢাকা বিক্রয়কেন্দ্র

ইসলামী টাওয়ার, ১ম তলা

বাংলাবাজার, ঢাকা।

০১৩১২ ১০ ৩৫ ৯০

বইমেলা পরিবেশক

নহলী, বাড়ি-৮০৮, রোড-১১, আত্তেনিউ-৬

ডিওএইচএস, মিরপুর, ঢাকা-১২১৬

অনলাইন পরিবেশক

রকমারি, রেনেসাঁ, ওয়াকি লাইফ

মুদ্রণ : বোখারা মিডিয়া

bokharasyl@gmail.com

ISBN : 978-984-96590-0-6

**Etbaser Dhosorkhata  
by Ismail Rehan**

Published by

**Kalantor Prokashoni**

+88 01711 984821

kalantorprokashoni10@gmail.com

facebook.com/kalantorprokashoni

**www.kalantorprokashoni.com**

---

**All Rights Reserved**

No part of this publication may be reproduced, distributed, or transmitted in any form or by any means without the prior written permission of the publisher, except in the case of brief quotations embodied in critical reviews and certain other noncommercial uses permitted by copyright law.



## অর্পণ

অর্পণনামা লিখতে বসলে অনেকের কথা মনে পড়ে। বিশেষ করে আমার জীবনে যাদের দান-অবদান অনস্মীকার্য। এমন ব্যক্তিদেরই একজন আমার শ্রদ্ধাভাজন উস্তাজ ও চাচাজান মুফতি নূরুল্লাহ কাসিমি হাফিজাতুল্লাহ। গ্রন্থটি তাঁরই করকমলে অর্পণ করছি।

দুআ করি, আল্লাহ আপনার ছায়াকে আমাদের ওপর দীর্ঘ করুন।  
আপনাকে ‘মিনাস সিদ্দিকিন ওয়াশ শুহাদা ওয়াস সালিহিন’-এর  
কাতারে শামিল করে নিন। আমিন।

—অনুবাদক।







## প্রকাশকের কথা

বাংলাদেশি ভিনদেশি লেখকদের যাঁরা খুবই অল্প সময়ে সমাদর লাভ করেছেন, মাওলানা ইসমাইল রেহান তাঁদের একজন। পাকিস্তানের এই বরেণ্য আলিম ও গবেষক বহু আগ থেকেই দু-হাতে লেখালিখি করে যাচ্ছেন। পাকিস্তানের জাতীয়, দৈনিক ও মাসিক থেকে শুরু করে প্রসিদ্ধ অনেক পত্রিকায় তিনি সবসময় লেখেন। মুফতি আবু লুবাবা শাহ মানুসুর সম্পাদিত বিখ্যাত পত্রিকা জরবে মুমিনের তো নিয়মিত প্রবন্ধকার। কিন্তু বাংলাদেশে মাত্র কয়েক বছর হয়েছে তিনি পরিচিতি লাভ করেছেন। অবশ্য এটা স্বীকার করতে হয় যে, নিজের রচনাশৈলী ও গবেষণার গভীরতা দিয়ে তিনি যত দুর্দান্ত বাণিজ পাঠকের হৃদয়ে আস্থার সঙ্গে জায়গা করে নিতে পেরেছেন, খুব কম ভিনদেশি লেখকের পক্ষে তা সম্ভব হয়েছে। সত্যি বলতে, তিনি এমন সমাদর পাওয়ার যোগ্য বটে। এমনিতেই তো শায়খুল ইসলাম তাকি উসমানির মতো জগদ্বিখ্যাত আলিম তাঁর প্রশংসায় পঞ্চমুখ হননি!

কালান্তর প্রকাশনী ইতিহাস নিয়ে কাজ করতে বদ্ধপরিকর। ইতিমধ্যে আমরা ইসমাইল রেহানের সুলতান জালানুদ্দিন খাওয়ারিজমশাহ নামের গ্রন্থটি প্রকাশ করেছি। তাঁর আরেকটি মূল্যবান রচনা আফগানিস্তানের ইতিহাস খুব দুর্ত প্রকাশিত হবে ইনশাআল্লাহ। কিন্তু আমরা মনে করি, আপনাদের হাতের গ্রন্থটি লেখকের রচনাপাঠে এক ভিন্নমাত্রা এনে দেবে। গ্রন্থটি পড়লে আশা করি তা বুবাতে পারবেন।

গ্রন্থটি সংকলন ও অনুবাদ করেছেন প্রতিশ্রুতিশীল লেখক ও অনুবাদক ফাহাদ আব্দুল্লাহ। লেখালিখির অঙ্গনে তাঁর পদচারণা কয়েক বছরের হলেও এই তরুণ-তুর্কি ইতিমধ্যে পাঠকের হৃদয়ে জায়গা করে নিয়েছেন। পাঠক তাঁর মৌলিক রচনা যেমন পরম আগ্রহের সঙ্গে গ্রহণ করেছেন, অনুবাদগ্রন্থও বিপুল উৎসাহের সঙ্গে বরণ করে নিয়েছেন। আমরা আশা করি, তাঁর এ অনুবাদগ্রন্থটি বোধ্য পাঠকদের পরিতৃপ্তি করবে। জ্ঞানপিপাসায় যারা কাতর, তাদের পিপাসা নিবারিত করবে। ইতিহাসের যারা একনিষ্ঠ পাঠক, তাদের ভাবনার ঘোরাক জোগাবে। গ্রন্থটির মূল সম্পাদনার কাজ করেছি আমি। প্রফ দেখে আমাকে সাহায্য করেছেন মুতিউল মুরসালিন। সব মিলিয়ে আমাদের চেষ্টা ছিল গ্রন্থটিকে সব ধরনের ত্রুটি-বিচুতি থেকে মুক্ত রাখার। তারপরও

মানুষ যেহেতু ভুলত্রুটির উর্ধ্বে নয়; তাই অসংগতি থেকে যাওয়া স্বাভাবিক। পাঠকদের  
প্রতি অনুরোধ, কোনো ধরনের ভুলত্রুটি কিংবা অসংগতি দ্রষ্টিগোচর হলে আমাদের  
অবগত করবেন।

আল্লাহ তাআলার কাছে বিনয়াবন্ত হয়ে দুআ করি, তিনি যেন আমাদের যাবতীয়  
কাজ শুধু তাঁর সন্তুষ্টির জন্য কবুল করেন। সংকলনটির লেখক, অনুবাদক, সম্পাদক,  
প্রকাশকসহ সংশ্লিষ্ট সবাইকে উভয় জগতে ‘আহসানুল জাজ’ দান করেন। সর্বোপরি  
ইতিহাস থেকে শিক্ষা নিয়ে আমাদের ‘সুন্দর ভবিষ্যৎ’ বিনির্মাণের তাওফিক দেন।

আবুল কালাম আজাদ

কালান্তর প্রকাশনী

১৯ ফেব্রুয়ারি ২০২২





## অনুবাদকের কথা

সব প্রশংসা সেই মহান সন্তার জন্য, যিনি আমাদের ইসলামের নিয়ামত দান করে ধন্য করেছেন। মহানবির উচ্চত বানিয়ে শ্রেষ্ঠত্ব দিয়েছেন। খায়রুল কুরুনের অনুসৃত পথের পথিক হওয়ার তাওফিক দান করেছেন। আর ইতিহাসকে আমাদের জন্য শিক্ষাগ্রহণের উপকরণ বানিয়েছেন। আমরা তাঁর গুণকীর্তণ করি, তাঁর কাছে সাহায্যপ্রার্থনা করি, তাঁর কাছে ক্ষমাপ্রার্থনা করি, তাঁর ওপর বিশ্বাস রাখি এবং তাঁরই ওপর ভরসা করি। আর আল্লাহর কাছে আশ্রয় প্রার্থনা করছি আমাদের কুপ্রবৃত্তির অনিষ্টতা ও আমলের মন্দ প্রভাব থেকে। নিশ্চয় আল্লাহ যাকে সরল পথে পরিচালিত করেন, তাকে কেউ বিপথে নিতে পারে না আর যাকে পথথারা করেন, তাকে কেউ সুপথে আনতে পারে না। সর্বোপরি আমি সাক্ষ্য দিচ্ছি, আল্লাহ ছাড়া কোনো উপাস্য নেই। তিনি একক, অবিনশ্বর ও মহাপরাক্রমশালী। আমি আরও সাক্ষ্য দিচ্ছি, মুহাম্মদ ﷺ তাঁর বান্দা ও রাসুল।

আল্লাহ বলেন,

﴿لَقَدْ كَانَ فِي قَصَصِهِمْ عِبْرَةٌ لِّاٰلَّٰبِ﴾

অবশ্যই তাদের এ কাহিনিগুলোতে বৃদ্ধিমানদের জন্য রয়েছে শিক্ষা। [সুরা ইউসুফ : ১১১]

ইতিহাস আমাদের তুরাস। সবচেয়ে মূল্যবান সম্পদ। পূর্বসুরিদের রেখে যাওয়া পবিত্র আমানত। পৃথিবীতে আগে-পরে যত শাস্ত্রের উন্নত ঘটেছে বা ঘটেবে, বাস্তবে সব শাস্ত্রেরই উপকারিতা সীমিত। ব্যতিক্রম শুধু এই একটি শাস্ত্র—ইতিহাস। এর গুরুত্ব ও উপকারিতা অপরিসীম, যা গুনে শেষ করার মতো নয়। সালাফের অনেকে তো ইতিহাসের গুরুত্ব বোঝাতে গিয়ে বলেই বসেছেন, ‘মাল্লা তারিখা লাহু, লা হাজিরা লাহু’—যাদের ইতিহাস (অতীত) নেই, তাদের বর্তমান বলতেও কিছু নেই। কথাটা শুনতে একটু অন্যরকম লাগলেও বাস্তবতা এমনই। কথাটির সঙ্গে যদি যুক্ত করা হয়, ‘যাদের বর্তমান বলতে কিছু নেই, তাদের ‘সুন্দর ভবিষ্যৎ’-এরও নিশ্চয়তা নেই’, তখন কি বিষয়টা অতিরঞ্জন হবে? না, হবে না। কারণ, এটা নতুন করে বলার অপেক্ষা রাখে না যে, কোনো জাতির পক্ষে কেবল তখনই ‘সুন্দর ভবিষ্যৎ’ বিনির্মাণ করা সম্ভব, যখন শিক্ষা-উপকরণে ভরপুর এক অতীত থাকবে তাদের। থাকবে সুন্দর কিংবা সম্মুখ ইতিহাস—যে অতীত থেকে তারা শিক্ষাগ্রহণ করবে, যে ইতিহাস তাদের পথচলা মৃগ্ণ করবে।

যাইহোক, আলোচনা দীর্ঘ হয়ে যাচ্ছে। এখানে আসলে ইতিহাসের গুরুত্ব, মাহাত্ম্য কিংবা উপকারিতা, কোনোটা ব্যান করা উদ্দেশ্য নয়। এখানে উদ্দেশ্য হচ্ছে, বক্ষ্যমাণ গ্রন্থ সম্পর্কে দু-চারটি কথা বলা :

- আপনার হাতের গ্রন্থটি মাওলানা ইসমাইল রেহানের স্বতন্ত্র কোনো গ্রন্থ নয়; বরং এটি তাঁর ইতিহাসবিষয়ক তথ্যবহুল অসাধারণ কিছু প্রবন্ধের সংকলন। মাওলানা প্রায় একযুগ ধরে লেখালিখির সঙ্গে যুক্ত। জরবে মুমিন থেকে শুরু করে দৈনিক ইসলাম—পাকিস্তানের এমন বহু প্রসিদ্ধ মাসিক ও দৈনিকে নিয়মিত প্রবন্ধ লিখেছেন। আমরা সেগুলো থেকে বাছাই করে ইতিহাসবিষয়ক প্রবন্ধগুলোকে আলাদা করেছি। সেখান থেকে বাছাইপ্রক্রিয়া শেষে এই সংকলনটি তৈরি করেছি।
- আমরা সর্বোচ্চ মূলানুগ অনুবাদের চেষ্টা করেছি। অবশ্য অনুবাদকে সুখপাঠ্য করতে কিছু জায়গায় ভাবানুবাদেরও আশ্রয় নিয়েছি। ভাবানুবাদের জায়গাগুলোতে লেখকের মূল ভাব ও ভাষ্যে যেন কোনো পরিবর্তন না আসে, এ জন্য যথাযথ সতর্কতা অবলম্বন করেছি।
- ঐতিহাসিক ব্যক্তি, স্থান ও স্থাপনাগুলোকে বর্তমানের আদলে পরিচিত করাতে ব্র্যাকেটে ইংরেজি নাম ব্যবহার করেছি।
- ব্যক্তি, স্থান ও পরিভাষা প্রভৃতির—যেখানেই প্রয়োজন মনে হয়েছে—পরিচিতিসংবলিত টাইকাটিপ্লানি যুক্ত করেছি।
- লেখাগুলো যেহেতু প্রবন্ধ, তাই লেখক রেফারেন্সের বাহ্যিক এড়িয়ে গেছেন। কিন্তু আমরা যেহেতু বই আকারে প্রকাশ করছি, তাই ইতিহাসের গুরুত্ব বিবেচনায় প্রতিটি প্রবন্ধের শেষে প্রয়োজনীয় গ্রন্থপুঁজি যুক্ত করেছি। এতে পাঠকের জন্য আরও অধ্যয়নে কিংবা তথ্যগ্রহণে সহায়ক হতে পারে।
- বিষয়বস্তুর মেলবন্ধনের দিকে লক্ষ রেখে গ্রন্থটিকে বিন্যস্ত করেছি।

সব মিলিয়ে আমাদের লক্ষ্য ছিল পাঠকদের হাতে চমৎকার একটি গ্রন্থ তুলে দেওয়া। আমরা আমাদের সাধ্যের সবটুকু দিয়ে চেষ্টা করেছি। নিঃসন্দেহে এ গ্রন্থের সুন্দর ও কল্যাণকর বিষয়গুলো আল্লাহর দান ও লেখকের অবদান। অসুন্দর ও অকল্যাণকর যা কিছু, সবই আমাদের ব্যর্থতা ও দুর্বলতা। তাঁর কাছে আমাদের একটাই দুআ, তিনি যেন আমাদের এই ক্ষুদ্র প্রয়াস কবুল করে নেন। একে সব শ্রেণির পাঠকের জন্য উপকারী সাব্যস্ত করেন। সর্বোপরি আমাদের নাজাতের অসিলা বানিয়ে দেন। আমিন।

**ফাহাদ আবদুল্লাহ**  
পাঠানবাড়ী রোড, ফেনী  
২০ ফেব্রুয়ারি ২০২২



## পাঠসূচি

---

### ❖ ❖ ❖      প্রথম অধ্যায়      ❖ ❖ ❖

#### শাস্ত্রীয় আলাপ # ১৩

ইতিহাস কি ইসলামিবর্জিত শাস্ত্র	১৫
খলিফা উমর ইবনু আবদুল আজিজ : খুলাফায়ে রাশিদিন এবং ফাদাকপ্রসঙ্গ	২৬
খিলাফতের গঠনপ্রকৃতি, ব্যবস্থাপনা এবং গুরুত্বপূর্ণ কিছু আলাপ	৩৮

---

### ❖ ❖ ❖      দ্বিতীয় অধ্যায়      ❖ ❖ ❖

#### ব্যক্তি, ব্যক্তিত্ব ও ব্যক্তি-দর্শন # ৪৪

সমুদ্র ইগল : খাইবুল্দিন বারবারুসা	৪৫
বার্বার সিংহ : আমির ইউসুফ ইবনু তাশফিন	৫৬
সন্ত্রাট আকবর ও দীনে ইলাহি	৬৮
আবুল ফজল, মির্জা আজিজুল্দিন ও মুজাদ্দিদে আলফে সানি	৭৩
নির্মাণ ও ধ্বংসের দুই রূপকার	৮৮

---

### ❖ ❖ ❖      তৃতীয় অধ্যায়      ❖ ❖ ❖

#### উসমানি খিলাফত, তুরস্ক ও তুর্কি জনতা # ৯৫

প্রথম বিশ্বযুদ্ধ থেকে তৃতীয় বিশ্বযুদ্ধ	৯৬
খিলাফত বিলুপ্তির বেদনাবিধুর স্মৃতি	১১০
একশ আট বছরের পথচলা	১২১
মুসতাফা কামাল থেকে রজব তাহিয়িব এরদোগান	১২৫
ইতিহাস বদলে দেওয়া তুর্কি জনতা	১৩৫

---

### ❖ ❖ ❖      চতুর্থ অধ্যায়      ❖ ❖ ❖

#### মূল্যায়ন ও পর্যালোচনা # ১৩৯

মুহাম্মাদ ইবনু ইসহাক : তাঁর বিখ্যাত সিরাত ও সমালোচকবৃন্দ	১৪০
--	-----

সহিহ ইবনু ইব্রাহিম : এক অনন্য ইলমি কারনামা	১৪৮
তাতহিরুল জিনান : এক মহৎ কীর্তি	১৫৫

---

❖ ❖ ❖      পঞ্চম অধ্যায়      ❖ ❖ ❖

**ইতিহাস থেকে শিক্ষা # ১৬০**

দশে মুহাররামের শিক্ষা	১৬১
ডিসেম্বর থেকে ডিসেম্বর : ইতিহাস কথা বলে	১৬৫
ইবরাত ও নমিহত : ইতিহাসের শিক্ষা	১৬৯
খেরোখাতার ছেঁড়া তিন পাতা	১৭৩
কবিদের রাজত্ব	১৭৭
আন্দালুসের ইতিহাসের শেষ অধ্যায়	১৯৩

---

❖ ❖ ❖      ষষ্ঠ অধ্যায়      ❖ ❖ ❖

**ষড়যন্ত্রতত্ত্ব # ২০৯**

দোনমে ইয়াত্তুদি : একটি ভয়ংকর গুপ্ত সংগঠন	২১০
বিশ্বযুদ্ধ এবং জায়নবাদীদের ষড়যন্ত্র	২২১

---

❖ ❖ ❖      সপ্তম অধ্যায়      ❖ ❖ ❖

**সফরনামা (ভ্রমণবৃত্তান্ত) # ২৩৫**

বুহতাস-স্থপতি শেরশাহ সুরির স্মৃতির সন্ধানে	২৩৬
--	-----

---

❖ ❖ ❖      অষ্টম অধ্যায়      ❖ ❖ ❖

**ইতিহাসের পল্লেস্তারা # ২৪৮**

দীনের সুরক্ষায় যাঁদের অবদান	২৪৯
পশ্চিমাদের বীভৎস চেহারা	২৫৮
জার্মানি ও মুসলিমবিশ্ব	২৬৫
আকবরের ধর্মদ্রেহিতা এবং সেই যুগের ইসলামি প্রতিরোধ	২৭৬
সিকিলিয়া : দগদগে এক ক্ষতের নাম	২৮৬





## প্রথম অধ্যায়

### শাস্ত্রীয় আলাপ

- ইতিহাস কি ইসলামবিবর্জিত শাস্ত্র
  - খলিফা উমর ইবনু আবদুল আজিজ, খুলাফায়ে রাশিদিন  
এবং ফাদাক প্রসঙ্গ
  - খিলাফতের গঠনপ্রকৃতি, ব্যবস্থাপনা এবং কিছু গুরুত্বপূর্ণ  
আলাপ
-





## ইতিহাস কি ইসলামবিবর্জিত শাস্ত্র

এক.

ইতিহাস আসলে কী? ইতিহাস ইসলামবিবর্জিত কোনো শাস্ত্র? ইতিহাস রচনা করা কিংবা পড়া শরিয়তবিরোধী কাজ? ইতিহাস কি শুধু এমন কিছু গ্রন্থের নাম, যা রোম অথবা পারস্যের কেউ রচনা করেছে? ইতিহাস বলতে কি শুধু নবি-রাসূল আর রাজা-বাদশাহদের ঘটনাপ্রবাহ কিংবা আল বিদায়া ওয়ান নিহায়া, তারিখ ইবনু খালদুন আর আকবর শাহ নজিবাবদির তারিখে ইসলাম প্রভৃতি গ্রন্থ বোঝায়? কেউ যদি এমন মনে করে থাকে, তাহলে মেনে নিতেই হবে, এ ধারণা একেবারে অসম্পূর্ণ ও অপরিপক্ষ।

ইতিহাস হচ্ছে অতীতের ঘটনাপ্রবাহ ও সামগ্রিক অবস্থার নাম; জাতীয়ভাবে সংরক্ষণযোগ্য একটি বিষয়ের নাম। যখন তা সংরক্ষিত থাকবে না, তখন একটি জাতির অবস্থাও তেমনই হবে, যেমনটা মানসিক ভারসাম্যহীন কোনো রোগীর হয়। ইতিহাস জাদুবিদ্যা বা বিপজ্জনক অন্যান্য শাস্ত্রের মতো কোনো ঘৃণ্যবিদ্যা বা শাস্ত্র নয়; বরং তা একটি সমাদৃত, সুন্দর, উপকারী ও মর্যাদাপূর্ণ বিদ্যা বা শাস্ত্র। ইতিহাসচর্চার প্রতি আল্লাহ তাআলা নিজে নবি-রাসূলদের উৎসাহিত করেছেন। যেমন, মুসা আ.-কে আল্লাহ বনি ইসরাইলের ব্যাপারে গুরুত্বারোপ করে বলেছেন,

﴿وَكَرْهُهُمْ بِإِيمَنِ اللَّهِ﴾

আর আপনি তাদের স্মরণ করিয়ে দিন আল্লাহর দিনগুলো সম্পর্কে। [সুরা  
ইবরাহিম : ৫]

মুফাসিসররা একমত যে, আয়াতটিতে ‘আইয়ামুল্লাহ’ দ্বারা উদ্দেশ্য, বনি ইসরাইলের অতীতের বড় বড় সেই ঘটনা, যেগুলোতে তারা আল্লাহর সাহায্যে বিজয় লাভ করেছে বা অন্য কোনো নিয়ামত লাভ করেছে; কিংবা যেগুলোতে তারা পরাজিত হয়েছে বা শাস্তি ভোগ করেছে, দুর্দশায় পড়েছে।

আল্লাহ তাঁর প্রিয় নবিকে লক্ষ করে আরও বলেছেন,

﴿وَكَلَّا نَقْصُ عَلَيْكَ مِنْ أَنْبَاءِ الرُّسُلِ مَا نُثِّتُ بِهِ فُؤَادَكَ﴾

আর রাসুলদের যে ঘটনাসমূহ আমি আপনাকে জানাই, এর মাধ্যমে আমি  
আপনার অন্তরকে সুস্থ রাখি। [সুরা হুদ : ১২০]

কুরআনের বেশ কিছু সুরাতেই গত হওয়া জাতিসমূহের ঘটনাবলির বিবরণ পেশ করা  
হয়েছে, যাতে অন্যরা তাদের মন্দ পরিণতি থেকে শিক্ষা হাসিল করে। এ জন্য উপরে  
মুহাম্মাদিকে বোঝানোর জন্য আল্লাহ বলেছেন,

﴿لَقَدْ كَانَ فِي قَصَصِهِمْ عِبْرَةٌ لِّأُولَئِكَ﴾

নিঃসন্দেহে তাদের ঘটনাবলিতে বুধিমানদের জন্য আছে শিক্ষার  
উপকরণ। [সুরা ইউসুফ : ১১১]

আমাদের গবেষণায় ইতিহাসশাস্ত্রের আসল জনক পারস্য, রোম বা ইউনানের (প্রাচীন  
গ্রিস) কেউ নয়, যাদের কাছে হাতেগোনা কিছু কল্পকাহিনির গ্রন্থ ছাড়া আর কিছুই ছিল  
না। আমরা ইতিহাসের আসল জনক মনে করি প্রিয়নবি মুহাম্মাদ ﷺ, সাহাবি, তাবিয়ি  
ও মুহাদ্দিসদের। এখন আপনি প্রশ্ন করতে পারেন এটা কীভাবে?

ইতিহাস হচ্ছে অতীতের গুরুত্বপূর্ণ অবস্থা ও ঘটনাবলি—হোক তা বিজয়ের বা  
পরাজয়ের, নিয়ামতলাভের অথবা শাস্তিভোগের; ভালো কিছুর বা মন্দ বিষয়ের—তা  
থেকে সাহস অর্জন করা যাক কিংবা শিক্ষার উপকরণ। নবিজির আগমনপূর্ব সময়  
কেন্টা ছিল? আদম আ. থেকে বনু হাশিম পর্যন্ত। তাই তো? এবার আপনি নবিজির  
হাদিসের সুবিশাল ভান্ডারে বিচরণ শুরু করুন। দেখবেন, নবিজির মুখেই তাঁর পূর্ববর্তী  
নবি-রাসুলদের অবস্থা ও ঘটনার বর্ণনাসমূহ বিশাল একটা ভান্ডার পেয়ে যাবেন।  
আল্লাহর পানাহ—এখন কেউ আবার এমন প্রশ্ন করে বসবে না তো যে, আদম, মুসা,  
ইসা আ. প্রমুখ নবি তো নিজেদের কর্ম-কীর্তি পৃথিবীবাসীর কাছে পোঁচুক—এমন  
আগ্রহ লালন করেননি; তারপরও কেন তাদের ঘটনাবলি বর্ণনা করা হচ্ছে?

উত্তরটা খুবই সহজ। বিষয়টা আসলে যেমন ভাবছেন তেমন নয়। কারণ, আমাদের  
নবিজি তো গত হওয়া জাতিগুলোর অসংপ্রকৃতির লোকদের অবস্থাও বর্ণনা  
করেছেন—এমনকি সাধারণ লোকদের অবস্থার বিবরণও বাদ দেননি। বনি ইসরাইলের  
অধি, টাকওয়ালা ও কুষ্ঠরোগীর ঘটনা তো মহল্লার বাচ্চাদের মুখে মুখে। অতীতের এ  
ঘটনাগুলো কোনো ইয়াহুদি, গ্রিক, পারসিক বা রোমানদের রচনায় পাওয়া যাবানি; বরং  
এগুলোর বর্ণনা পাওয়া গেছে আমাদের নবিজির হাদিসের সমৃদ্ধ ভান্ডারে। এসব ঘটনা

ও অবস্থা বর্ণনা করার পেছনে সুস্পষ্ট কোনো কারণ তো অবশ্যই বিদ্যমান—তাই না? <sup>১</sup> নবিজি নিজে ঐতিহাসিক ঘটনা; বরং জাহিলি যুগের ঘটনাবলি শোনাতেন। তাঁর মজলিসে সাহাবিগণ নিজেদের সঙ্গে ঘটে যাওয়া বিভিন্ন ঘটনা শোনাতেন। তিনি নিজেও সেগুলো শুনে শুনে মুচকি হাসতেন। <sup>২</sup>

সাহাবিদের যুগ পর্যন্ত ইতিহাসের মধ্যে কিন্তু নবিজির পুরো জীবনবৃত্তান্ত চলে এসেছে, যার বিশাল অংশ ছিল শরিয়তের বিধানকেন্দ্রিক; কিন্তু এর একটা অংশ এমন আছে, যা জীবনচরিতসম্পৃক্ত। বুখারি ও মুসলিমের ‘কিতাবুল মাগার্জি’ (জিহাদ অধ্যয়া) অধ্যয়ন করে দেখুন, যার মূল উদ্দেশ্য কিন্তু নবিজির অবস্থা ও জীবনীসম্পৃক্ত বর্ণনাগুলোর ঐতিহাসিক ধারাবাহিকতা ঠিক রাখা। এরপর সাহাবিদের যুগে দিনপঞ্জিকা তৈরি হয়। উমর রা.-এর যুগে যখন বিজয়ধারা প্রসারিত হতে থাকে, মদিনার কেন্দ্রীয় দপ্তর ও বিভিন্ন প্রাদেশিক দপ্তরে নথিপত্রের স্তুপ পড়ে যায়, তখন কোন নথিটা কোন তারিখের, এটা নির্ণয় করা মুশকিল হয়ে যায়।

ইমাম বুখারি রাহ. আল-আদাবুল মুফরাদে বর্ণনা করেন, একবার উমর রা.-এর কাছে একটি চিঠি আসে, যেটিতে শুধু শাবান লেখা ছিল। উমর রা. বলে ওঠেন, ‘এখন কীভাবে জানব এটা কোন বছরের শাবান?’... এরপর তিনি উপস্থিত সাহাবিদের বলেন, ‘সবাই মিলে লোকদের জন্য বর্ষগণনার কোনো মাপকাঠি ঠিক করে দাও।’ উভরে কেউ বলেন, ‘রোমানদের মতো করে বর্ষগণনা করা যায়।’ প্রতিউভরে উমর বলেন, ‘রোমানদের হিসাবমতো বর্ষগণনা করলে সময়টা অনেক দীর্ঘ হয়ে যায়। কারণ, তারা ইসকান্দারের (Alexander the Great) যুগ থেকে বর্ষগণনা করে।’ কেউ একজন বলে বসেন, ‘পারসিকদের হিসাবমতো বর্ষগণনা করা যায়।’ প্রতিউভরে তিনি বলেন, ‘তাদের বর্ষগণনা তো বাদশাহ পরিবর্তন হওয়ার পর নতুন করে শুরু হয়।’ শেষমেশ সিদ্ধান্ত হয়—মুসলিমানদের জন্য আলাদা কোনো দিনপঞ্জিকা ঠিক করা হবে। এখন প্রশ্ন ওঠে, তাহলে কবে থেকে বর্ষগণনা হবে? তিনটি মত সামনে আসে :

১. নবিজি সাল্লাল্লাতু আলাহাই ওয়াসাল্লামের জন্ম থেকে।
২. হিজরত থেকে।
৩. মৃত্যু থেকে।

উমর রা. ফায়সালা দিয়ে বলেন, ‘হিজরত থেকে দিনপঞ্জিকার বর্ষগণনা শুরু হবে।

<sup>১</sup> এখনে যে বিষয়টি বলে রাখা জরুরি মনে করাই—বিগত জাতিগুলোর কোনো ঘটনা শরিয়তের বিধান প্রবর্তনের দৃষ্টিকোণ থেকে বর্ণিত হয়নি। এর অবস্থান ও মর্যাদা শুধু ঐতিহাসিক—হোক তা নবি-রাসূলদের ঘটনা।

<sup>২</sup> শায়ালিলে তিরমিজি।

কারণ, এর মাধ্যমেই হক আর বাতিলের মধ্যে পার্থক্য সাব্যস্ত হয়েছিল।'

যখন সাহাবিদের পরামর্শসভায় এটা সিদ্ধান্ত হয়, নবিজির হিজরত থেকে বর্ষগণনা করা হবে; এরপর প্রশ্ন আসে—কোন মাসের মাধ্যমে শুরু হবে? যেহেতু হিজরত সংঘটিত হয়েছিল রবিউল আউয়ালে, তাই সাহাবিদের অনেকে এ মাসকেই হিজরিবর্ষের প্রথম মাস নির্ধারিত করার প্রস্তাব দেন। অনেকে আবার রমজানের ফজিলত, মর্যাদা ও মাহাত্ম্য বিচেনায় এ মাসের পক্ষে মত ব্যক্ত করেন; কিন্তু উসমান রা. বলেন, 'মুহাররাম যেহেতু সম্মানিত ও নিষিদ্ধ মাস—অর্থাৎ, এ মাসে যেহেতু যুদ্ধবিগ্রহ নিষেধ, সে হিসেবে এর মাধ্যমেই হিজরিবর্ষের সূচনা হোক। তা ছাড়া এ দিনে লোকেরা হজের সফর শেষ করে প্রত্যাবর্তন করো।'

উসমানের প্রস্তাব উপস্থিত সবার কাছে উত্তম মনে হয়। এরপর সিদ্ধান্ত হয়, হিজরিবর্ষ মুহাররামের মাধ্যমে শুরু হবে। এটি ছিল ১৭ বা ১৮ হিজরির ঘটনা। তখনই মূলত হিজরিবর্ষ হিসেবে দিনপঞ্জিকা গণনা শুরু হয়; প্রকৃতপক্ষে যা ছিল ইসলামি ইতিহাস রচনার ভিত্তি।

সাহাবিগণও ঐতিহাসিক ঘটনাগুলো অনেক আগ্রহের সঙ্গে শুনতেন। ঐতিহাসিক ঘটনা শোনা ও বর্ণনা করার বুচিবোধ তৈরি করার ক্ষেত্রে আমির মুআবিয়া রা.-এর নাম সর্বাগ্রে আসে, যাঁর পৃষ্ঠপোষকতায় প্রতিদিন ইশার নামাজের পর ঐতিহাসিক ঘটনাবলি আলোচনা করার মজলিস অনুষ্ঠিত হতো।

এখন আসা যাক তাবিয়ুগের আলাপে। তাঁদের যুগে তো সাহাবিদের আলোচনাও ইতিহাসের অংশে পরিণত হয়। তাঁদের জীবনচারিত ও সার্বিক অবস্থা বর্ণনা করা এবং একত্রিত করাকেও উদ্ধার জরুরি মনে করে। ফলে তাঁদের জীবনচারিতও ইতিহাসের অংশ হয়ে যায়। এভাবে তাবিয়দের অবস্থা তাবে তাবিয়ারা একত্রিত করেন। আর তাঁদের অবস্থা একত্রিত করেন তাঁদের পরবর্তী যুগের লোকেরা। এভাবেই ইতিহাসের উপকরণ একত্রিত হতে থাকে। এরপর এই উপকরণগুলো মূলত ভিন্ন শিরোনামে সন্নিরেশিত করা হতে থাকে; আর বিভিন্ন ইতিহাসগ্রন্থ অস্তিত্ব লাভ করতে থাকে।

## দুই.

ইতিহাসের ব্যাপারে পুরানো এই আলাপগুলো আজ নতুন করে এ জন্য তুলতে হচ্ছে, তথাকথিত বুদ্ধিজীবী গবেষকসমাজ আবারও নিজেদের সীমাবেষ্টা ভুলে বলে বসেছে— ইসলামপথিদের মধ্যে তো নিয়মতাত্ত্বিকভাবে ইতিহাসগ্রন্থের প্রচলনই ঘটেনি। এ জন্য তাঁদের ইতিহাসও পৃথিবীর অন্য সবার ইতিহাসের চেয়ে তুলনামূলক অসমৃদ্ধ!

তাঁদের এ দাবি তিনটি বিষয়ে অঙ্গতা বা ভুল ধারণা রাখার কারণে সৃষ্টি হয়েছে :

১. ইতিহাসের যারা বর্ণনাকারী, তাদের জীবনচরিতের ওপর কোনো কাজ হয়নি; শুধু হাদিসের বর্ণনাকারীদের জীবনচরিতের ওপর কাজ হয়েছে।
২. ইতিহাসগ্রন্থ বলতে যা কিছু প্রকাশিত হয়েছে, সবই তো নবিজি ﷺ ও সাহাবিদের যুগের প্রায় ১৫০ বছর পর হয়েছে। এর বিপরীতে হাদিস নববি যুগেই সংকলিত হয়েছিল, বিভিন্নভাবে বিন্যস্তও হয়ে গিয়েছিল। এখন যে বিষয়টা সুস্পষ্টভাবে বোঝা যাচ্ছে, দেড়শো বছর পরের সিরাত-গবেষক আর ইতিহাসবিদরা নবিজি ও সাহাবিদের সার্বিক অবস্থা নিজেদের ঢেকে প্রত্যক্ষ করতে পারেননি। সুতরাং তারা যা কিছু লিখেছেন, সবই গালগল্ল ছাড়া বেশি কিছু নয়। তবে হাদিস যেহেতু নববিযুগেই সংকলিত হয়ে গিয়েছিল, তাই তা পুরোপুরি গ্রহণযোগ্য ধরে নেওয়া যায়।
৩. হাদিস সংকলন নিয়ে যাঁরা কাজ করেছেন, তাঁরা সবাই ছিলেন আলিম। ছিলেন আমানতদারিতায় অতুলনীয়। তাঁরা দীনকে সংরক্ষণ করার মানসে একনিষ্ঠতার সঙ্গে কাজ করেছিলেন। বিপরীতে যারা ইতিহাস ও সিরাত রচনা করেছেন, মোটাদাগে তারা ছিল দরবারি মুনশি। যাদের স্বভাব-প্রকৃতি ছিল একেবারেই ভিন্ন। অধিকাংশই অসৎ ও খিয়ানতকারী ছিল। তারা ইসলামের জন্য নয়; নিজেদের ভ্রাতৃভোধ, স্বজনপ্রীতি, গোত্রপ্রীতি, বংশীয় টান অথবা নিজের রাজা-বাদশাহর সন্তুষ্টিকামনায় রচনার কাজ করত।

সরল ভাষায় বললে, তথাকথিত বুদ্ধিজীবীদের মধ্যে এ ভুল ধারণাগুলো সৃষ্টি হয়েছে ইসলামি জ্ঞান আর সংশ্লিষ্ট বিষয়ে পর্যাপ্ত জ্ঞানশোনা না থাকার কারণে। বলা যায়, তারা এসব ভাবনা অন্য কোনো জগতে গিয়ে ভেবেছিল, যার সঙ্গে বাস্তবজগতের কোনো সম্পর্ক নেই।

তাদের প্রথম ধারণাটির ভ্রান্তি তাদের এ কথা থেকেই সুস্পষ্ট হয়ে যায়, ‘হাদিস-সংকলনের ক্ষেত্রে আলিমরা সর্বোচ্চ সর্তর্কতা অবলম্বন করেছেন। এক এক করে প্রত্যেক বর্ণনাকারীর জীবন, কর্ম, চরিত্র ও বিশ্বাস সম্পর্কে পর্যন্ত বিস্তারিত আলোচনা করেছেন।’ কিন্তু পরের বাক্যেই বলে, ‘ইসলামি ইতিহাসের ক্ষেত্রে এর ঠিক বিপরীতটা হয়েছে।’ তাদের এ ধারণা সম্পূর্ণ ভুল। বাস্তবতার সঙ্গে এর কোনো সম্পর্ক নেই। কারণ, যেভাবে হাদিস-বর্ণনাকারীদের ইমান, আকিদা, আমানতদারিতা, ধার্মিক হওয়া, মিথ্যাবাদী হওয়া, দুর্বলতাসহ সব ধরনের অবস্থা সংরক্ষণ করা রয়েছে, ঠিক তেমনিভাবে হিজরি চতুর্থ অথবা পঞ্চম শতাব্দী পর্যন্ত ইতিহাস বর্ণনাকারীদের সার্বিক অবস্থাও সংরক্ষিত রয়েছে। রিজালশাস্ত্রের প্রন্থগুলো রচনার সময় কখনো এটা

আলাদাভাবে লক্ষ রাখা হয়নি যে, এসব গ্রন্থে শুধু হাদিস বর্ণনাকারীদের সার্বিক অবস্থা ও জীবনী লিপিবদ্ধ হবে; ইতিহাস-বর্ণনাকারীদের নয়।

রিজালশাস্ত্রবিদদের কাজ হচ্ছে, মুসলমানদের মধ্যে বর্ণিত হয়েছে, এমন প্রতিটি বর্ণনার প্রত্যেক বর্ণনাকারীর অবস্থা ও জীবনী সংরক্ষণ করা। কে বর্ণনা করেছে আর কেন বিষয়ে করেছে—আকিদা, তাফসির, সিরাত, সুন্নাহ, ফাজায়িল, মানাকিব নাকি ইতিহাস, এসবের কোনো ধারাবাঁধা ছাড়াই। তাদের মূল কাজ হয়, শুধু সেই ব্যক্তির জীবনী সংরক্ষণ করা, যার নাম কোনো বর্ণনার সনদের ধারাবাহিকতায় এসেছে। আমাদের উপরের আলোচনা থেকে বোঝাই যাচ্ছে, যেভাবে হাদিসের বর্ণনাকারীদের সার্বিক অবস্থা সম্পর্কে যাচাই-বাচাই ও গবেষণা করা হয়েছে, তেমনি ইতিহাসের কোনো বর্ণনাকারীও ‘জারহ ও তাদিল’<sup>০</sup>-এর গবেষকদের যাচাই-বাচাই থেকে বাদ যায়নি। হাদিসের বর্ণনাকারীদের মধ্যে যেমন জয়িফ (দুর্বল) ও সিকাহ (নির্ভরযোগ্য) বর্ণনাকারী রয়েছে এবং রিজালশাস্ত্রের মাধ্যমে তাদের যাচাই-বাচাই করা হয়, একইভাবে ইতিহাস ও সিরাতের বর্ণনাকারীদেরও যাচাই-বাচাই করা হয়।

তাদের দ্বিতীয় ধারণা—অর্থাৎ, হাদিসের গ্রন্থগুলো তো অনেক আগেই সংকলিত হয়েছে; আর ইতিহাসের গ্রন্থগুলো বহু পরে। আরেকটু খুলে বলি; তারা সুন্নাহর ভাস্তর সম্পর্কে বলে, ‘হাদিসের সুবিশাল এই ভাস্তরের সংকলনের কাজ তো রাসূল ﷺ-এর স্বেচ্ছায় শুরু হয়েছিল। যেমন, সহিফাতু হুমাম ইবনু মুনাবিহা’ এরপরই ইতিহাস সম্পর্কে মন্তব্য করে তারা বলে, ‘কিন্তু ইতিহাসের প্রথম গ্রন্থ সিরাতুন নবির ওপর ইবনু ইসহাকের সিরাতগ্রন্থ, যা নবিজির মৃত্যুর শতবর্ষ পর সংকলিত হয়েছে।’

দ্বিতীয় ধারণার আদলে এসব কথাবার্তা যে সেসব তথ্যকথিত বুদ্ধিজীবীর অঙ্গতা এবং জানাশোনার পরিধি সংকীর্ণ হওয়ার বিষয়টা সুস্পষ্ট করে, তা বলার অপেক্ষা রাখে না। কারণ, তাওয়াতুর তথা ১৪০০ বছরের পারম্পরিকতায় মুসলিম উন্মাহর বিশ্বাস হচ্ছে, প্রথম হিজরি শতাব্দী থেকে দ্বিতীয় হিজরি শতাব্দীর মধ্যবর্তী সময়ে ইসলামি জ্ঞানের সংরক্ষণের আসল ভিত্তি ছিল মুখ্যস্থশক্তি আর সনদের ধারাবাহিকতা। বিচ্ছিন্নভাবে বর্ণনাগুলো লিপিবদ্ধ করার অনেক দ্রষ্টব্য থাকলেও তা মোটেও ইলমের একক বা

<sup>০</sup> ইলমুল জারহি ওয়াত তাদিল: একশব্দে বললে ‘নিরীক্ষণশাস্ত্র’। কয়েক শব্দে বললে, ‘হাদিসের বর্ণনাকারীদের সামগ্রিক অবস্থা বিশ্লেষণ করে ভালোমদ হুকুম আরোপ করা।’ পরিভাষায় ইলমুল জারহি ওয়াত তাদিল বলা হয় এমন ইলম বা শাস্ত্রকে, যাতে রাবি বা বর্ণনাকারীদের বর্ণনা গ্রহণ-বর্জন করার দিক বিচেচনায় রেখে তাদের সামগ্রিক অবস্থার ওপর আলোচনা করা হয়। এটি মর্যাদা, স্তর ও প্রভাবের দিক থেকে উল্লম্বল হাদিসের গুরুত্বপূর্ণ একটি প্রকার। কারণ, এর মাধ্যমে শুধু হাদিসকে অশুধু হাদিস থেকে এবং মাকবুল (গ্রহণযোগ্য, সর্বাঙ্গীকৃত) হাদিসকে মারদুদ (পরিতাজা, অগ্রহণযোগ্য) হাদিস থেকে আলাদা করা হয়। তবে এই আলাদা করার বা পার্থক্য নিরূপণের ধরনটি বিভিন্ন হুকুম ও নৈতিক ভিত্তিতে হয়ে থাকে।

সীমাবদ্ধ রূপ ছিল না। কারণ, এমন সংকলনগুলো সংরক্ষণের কোনো প্রয়াসও তখন চালানো হয়নি। তাই খুলাফায়ে রাশিদিনসহ অন্য কোনো সাহাবির কোনো সংকলনই আমাদের কাছে পৌছায়নি। এরপর হাজারো তাবিয়ির মধ্যে কেবল একজন তাবিয়ি হুমাম ইবনু মুনাবিহের সহিফা (পুষ্টিকা) পাওয়া যায়, যাতে শুধু আবু হুরায়রা রা.- এর ১৩৮টি বর্ণনা সংকলন করা হয়েছে। আবদুল্লাহ ইবনু আমর ইবনুল আস রা.- এর সহিফার আলোচনাও ইতিহাসগ্রন্থগুলোতে পাওয়া যায়; কিন্তু তা মলাটবদ্ধ হয়ে উশ্মাহর কাছে পৌছায়নি। তাঁর যত বর্ণনা পাওয়া যায়, সবই সনদসহ মৌখিকভাবে উশ্মাহর কাছে পৌছেছে, যা হাদিসের গ্রন্থগুলোতে লিপিবদ্ধ রয়েছে।

এই সংক্ষিপ্ত আলোচনার পর আমি তথাকথিত বৃদ্ধিজীবীসমাজের কাছে অনুরোধ করব, একটু ভেবে দেখুন, আপনাদের আপত্তির ভিত্তি কতটা নড়বড়ে। তাদের কাছে যদি নবিজি ও সাহাবিদের যুগে সংকলিত এবং তাঁদের যুগ থেকে মলাটবদ্ধ হয়ে চলে আসা বিষয়গুলোই নির্ভরযোগ্য হয়, তাহলে তাদের উচিত নিজেদের বানানো মূলনীতি অনুযায়ী শুধু সহিফাতু ইবনু হুমামের ১৩৮টি বর্ণনাতেই নিজেদের জীবনচার থেকে শুরু করে আমল পর্যন্ত সবকিছু সীমাবদ্ধ রাখা। তারপর মুজতাহিদ হয়ে অজু, নামাজ, জাকাত, হজ, কুরবানি প্রভৃতির সব মাসআলাও সেই ১৩৮টি বর্ণনা থেকেই উদ্ঘাটন করা। এরপর তাদের কী করা উচিত? হাদিসের এই সুবিশাল ভান্ডারকে অনির্ভরযোগ্য মনে করা—যার ভিত্তিই হচ্ছে, নবিজির যুগ থেকে হিজরি দ্বিতীয় ও তৃতীয় শতাব্দী পর্যন্ত মৌখিকভাবে ধারাবাহিক বর্ণিত হওয়া। অর্থাৎ, যাকে আমরা ‘তাওয়াতুর’ বলেছিলাম। কারণ, হাদিসের প্রথম মলাটবদ্ধ সংকলন অর্থাৎ, ইমাম আবু হানিফা রাহ.- এর কিতাবুল আসারও মোটাদাগে হিজরি শতবর্ষ পরই দৃশ্যমান হয়েছে। আর এটাই ছিল সেই যুগ, যে যুগে মুহাম্মাদ ইবনু ইসহাকের সিরাত সংকলিত হয়েছে। ইমাম মালিকের মুআভা কিন্তু এরও পরে অস্তিত্বে এসেছে। আর সিহাহ সিহাহ তথা হাদিসের ছয় গ্রন্থের কথা তো বলাই বাহুল্য, যেগুলোর সংকলনই হয়েছিল হিজরি তৃতীয় শতকে।

এখন সেই বৃদ্ধিজীবীদের কথা অনুযায়ী তো হাদিসের এই পুরো ভান্ডারই গালগল্ল সাব্যস্ত হয়। কারণ, এর সংকলকরা কেউই নববি যুগ বা সাহাবিদের যুগের ছিলেন না। এখন যদি তারা হিজরি দেড়-দুই শতাব্দী পর্যন্ত অন্তর থেকে অন্তরে আর মুখ থেকে মুখে—এককথায় সম্পূর্ণ অলিখিত হাদিসভান্ডারের ওপর পুরোপুরি বিশ্বাস রাখতে পারে, তাহলে এ কথা বলে সিরাতুন নবি আর ইতিহাসের ওপর পানি ঢেলে দেওয়ার কী অর্থ যে, ‘ইতিহাসের প্রথম গ্রন্থ সিরাতুন নবি বিষয়ে সংকলিত ইবনু ইসহাকের সিরাত, নবিজির মৃত্যুর শতবর্ষ পর সংকলিত হয়েছে।’

এরই সঙ্গে ইসলামপন্থিদের ব্যাপারে এই অনর্থক মন্তব্য করারও বা কী অর্থ হয় যে,

‘তাদের মধ্যে তো নিয়মতান্ত্রিকভাবে ইতিহাসগ্রন্থের প্রচলনই ঘটেনি।’ আসলে বিষয়টা আমাদেরও তো জানা দরকার, কোন শতাব্দী পর্যন্ত প্রচলন না ঘটা উদ্দেশ্য? যদি প্রথম শতাব্দী উদ্দেশ্য হয় তাহলে বলব, তখন পর্যন্ত তো হাদিসের গ্রন্থগুলোরও প্রচলন হয়নি। দ্বিতীয় শতাব্দী উদ্দেশ্য হলে বলব—ততদিন পর্যন্ত ইতিহাস-গ্রন্থগুলোরও প্রচলন হয়ে গিয়েছিল। ইমাম বুখারি তখনো সহিত বুখারি সংকলন করেছেন; কিন্তু এর বহু আগেই তাঁর উসতাজ ইমাম খলিফা ইবনু খাইয়াত<sup>৪</sup> ধারাবাহিক বর্ষ ঠিক রেখে ইসলামি ইতিহাসগ্রন্থ তারিখ রচনা করেছিলেন, যা আজও প্রতিটি গ্রন্থাগারকে সমৃদ্ধ করে রেখেছে।

ঐতিহাসিক বর্ণনাগুলোর সবচেয়ে মজবুত ও নির্ভরযোগ্য উৎসগ্রন্থ হচ্ছে, তাবাকাতু ইবনু সাআদ, যা আট খণ্ডের বিশাল এক গ্রন্থ। এটাও বুখারি ও মুসলিমের আগেই অস্তিত্বে এসেছিল এবং প্রসিদ্ধিও লাভ করেছিল। এমন উজ্জ্বল সব দৃষ্টান্ত বিদ্যমান থাকার পরও কি কেউ বলতে পারে যে, মুসলমানদের মধ্যে ইতিহাসগ্রন্থের প্রচলন হয়নি?

## তিনি

তথাকথিত বুদ্ধিজীবীমহলের তৃতীয় ভুল ধারণা—যা মূলত একরকমের খারাপ ধারণা এবং বলা যায়, তাদের বক্তৃ চিন্তাভাবনারই বহিঃপ্রকাশ—তা হচ্ছে, ‘হাদিস-সংকলনে যাঁরা কাজ করেছেন, অক্লান্ত পরিশ্রম করেছেন, তাঁরা ছিলেন আলিমশ্রেণির। এই শ্রেণির সঙ্গে ইতিহাস আর সিরাত সংকলকদের তুলনা প্রত্যাশিত নয়। কারণ, ইতিহাস ও সিরাত সংকলকরা ছিলেন মোটাদাগে আজমি (অনারব) এবং বংশগত গোঁড়ামির শিকার।’

দীনি মাদরাসাগুলোর একজন সাধারণ ম্লাতকও জানেন কুরআন, হাদিস, ফিকহ, সিরাত, রিজাল ও ইতিহাসশাস্ত্র; এসব শাস্ত্র নিয়ে গবেষণা করেছেন যোগ্য আলিম শাস্ত্রবিদদের বিশাল একটি দল, যাঁদের কর্ম ও প্রচেষ্টা সেই সূচনাকাল থেকে আজ অবধি একইভাবে চলে আসছে। হ্যাঁ, জ্ঞান ও শাস্ত্রের ভিন্নতার কারণে তাদের মধ্যে তারতম্য তখনো ছিল, এখনো আছে। তবে ইতিহাস যে বিষয়টি সাক্ষ্য দেয়, তাবিয়ি, হাদিসের ইমাম ও ‘জারহ-তাদিল’-এর আলিমদের বিশাল একটা অংশ একইসঙ্গে মুহাদ্দিস, ফকির,

<sup>৪</sup> পুরো নাম খলিফা ইবনু খাইয়াত ইবনু আবু হুরায়া। যেহেতু তিনি উসফুরের (একপ্রকার গুল্ম-লতা), যা থেকে হলুদ রং পাওয়া যায়) ব্যবসা করতেন, তাই তাঁকে খলিফা ইবনু খাইয়াত উসফুরি ও বলা হতো। উপর্যুক্ত শাবাব’ (যুবক)। তিনি ছিলেন আত-তারিখ ও আত-তাবাকাতের রচয়িতা। ইমাম জাহাবি তাঁর মৃত্যুর কথা আলোচনা করতে গিয়ে বলেন, মৃত্যুর সময় তাঁর বয়স হয়েছিল ৮০ বছর। তিনি ১৬০ হিজরির দিকে জন্মগ্রহণ করেছিলেন। বেড়ে উঠেছেন বসরায়। তাঁর দাদা আবু হুরায়া হচ্ছেন ‘আহলুল হাদিস’। তাঁর পিতাও হাদিসের রাবিদের একজন। তিনি বিখ্যাত সব তাবিয়ি থেকে হাদিস বর্ণনা করেছেন। আর তাঁর থেকে ইমাম বুখারি, আবেদুল্লাহ ইবনু আহমাদ ইবনু হাস্বল, আবু ইয়ালা মাওসিলি, সানানানি প্রমুখ মুন্যাদী হাদিস রিওয়ায়াত করেছেন।